


Ka Moporesidente  
Thomas S. Monson



# Iphe nako go nna leMmoloki

**P**aka e nngwe ya Keresemose e gorogile le ngwaga o mosh'a oa atumela. Go lebega e kare maabanyane re ne re ipelela matsalo a Mmoloki le go dira maitlamo.

Mo maitlamong a ngwaga o, rene ra ikaelela go nna le nako mo matshelong a rona le gore Mmoloki a nne mo pelong tsa rona? Go sa kgathalesege gore re atlegile go kae rene rele kgakala ka maitlamo, Ke a tshepa rotlhe re ka dira botoka. Paka e ya Keresemose ke ye e siametseng go ka sekaseka le go shafatsa maatla a rona.

Mo matshelong a rona a ditshwarego, go le tse dintsi tse dire tlhokang, go botlhokwa gore re tseye tshwetso, maikaelelo go tsisa Keresete mo matshelong a rona le mo malwapeng a rona. Go botlhokwa gore, jaaka Banna ba ba Bothale gotswa botlhaba, re nne re lebagane le naleli ya gagwe le “go tla go mo obamela.”<sup>1</sup>

Mo tsamaong ya nako ya tshika, molaetsa go tswa go Jeso o santse o tshwana. O ne a raya Petere le Enduru mo lotshitshing la Galalea, a re, “Ntshale morago.”<sup>2</sup> Go Fiipi go tsile pitso, “Ntshale morago.”<sup>3</sup> Go Molefi yo nngang go amogela dithoto go tsile taelo, “Ntshale morago.”<sup>4</sup> Go nna le wena, fa re ka reetsa, go tlaa tla taletso e e tshwanang: “Ntshale morago.”<sup>5</sup>

Jaaka re sala dikgato tsa gagwe mo bogompionong le sekao sa gagwe, re ka kgona go segofatsa matshelo a ba bangwe. Jeso o re laletsa go intsha setlhabelo: “Morena o batla pelo le tlhaloganyo tse di eletsang.”<sup>6</sup>

Aa gona le mongwe yo o ka mo tswang thuso mo Keresemoseng e? A gona le yo o emetseng ketelo ya gago?

Mo dingwageng tse di fetileng kene ka etela lelwapa la mogodi wa moswagadi. Ga ke sale koo, bele ya lebatlani ene ya lela. Ko lebating gone go eme ngaka e e itsegeng. O ne a sa bitswa; mme, o ne a nnile le maikutlo a go etela molwetse yo o bolawang ke bodutu.

Mo pakeng e, pelo tsa bao ba eletsang go thusa le go elets'a ketelo ya Keresemose. Keresemose nngwe fa kene ke etetse lefelo la tlhokomelo, Ke ne ka nna ka bua le bo-mme ba bagodi bale batlhano, yo mogolo ale 101. O ne a le sefofu, mme a kgona go lemoga lentswe lame.

“Bishopo, o tsile morago ngwaga o!” O ne a re. “Ke ne ke tsaya gore ga o ne otl’a.”

Re nnile le nako e e itumedisang mmogo. Mongwe wa balwetsi, o ne a lebega a jewa ke bodutu mme a ipoeletsa a re, “ke itse fa ngwanake wa mosimane a tlaa tla go ntlhola tsatsi jeno.” Ke ipotsa gore a o tlaa dira jalo, ka go na le dipaka tsa Keresemose tse a neng a sa nteletsa.

Go na le nako ngwageng ono go ka thusa, go supa lerato, le mowa wa neelano— ka mantswa a mangwe, go sala morago sekao sa Mmoloki le go thusa jaaka fa a ne a ka re thusa. Jaaka fa re mo direla, re ka se lese ditshono, jaaka mong wa manno wa maloba,<sup>7</sup> go mo fa nako mo matshelong a rona, le bonno mo pelong tsa rona.

A reka itse ka botlalo tsholofelo eo e mo molaetseng wa moengele e e filweng badisa ba le ko mafudisong: “Ke lo

tsisetsa molaetsa wa boitumelo.” . . . Go lona go tshotswe mo tsatsing le . . . Mmoloki, e bong Morena Keresete”<sup>8</sup>

Fa re amogana dimpho ka Keresemose, a re gakologelweng, re lebogele, le go amogela mpho e kgolo go di fetatsothe— mpho ya Mmoloki le Morekolodi, gore re nne le botshelo jo bosakhutleng.

“Go solegela mosola jang gore motho a fiwe mpho, mme a se e amogele? Bona, ga a itumelele mpho e a e neetsweng, le go itumelela yo a mo neetseng mpho.”<sup>9</sup>

A re mo saleng morago, re mo direle, le go mo tlotlomatsa, le go amogela mpho ya gagwe mo matshelong a rona, gore re nne, jaaka mafoko a ga Lihae, “a re dikologe ka matsogo a gagwe a lorato.”<sup>10</sup>

#### DINTLHA

1. Mathaio 2:2.
2. Mathaio 4:19
3. Johane 1:43.
4. Mathaio 9:9.
5. Dithuto le Dikgologano 38:22.
6. Dithuto le Dikgologano 64:34.
7. Bona Luke 2:7.
8. Luke 2:10–11.
9. Dithuto le Dikgologano 88:33.
10. 2 Nifae 1:15

#### DITHUTO GO TSWA MOLAETSENG O

Moporesidente Monson o re biletsa go “tsaya tshwetso e e tlhomamisegang, ebile e nitame go tsisa Keresete mo matshelong a rona le mo malwapeng a rona.” Nna le puisanyo le bao o ba rutang ka fa baka dirang tshwetso e e tlhomameng ka bonosi le ka malwapa. O ka ba kopa go akanya ka bangwe kgotsa malwapa a baka a direlang le go a etela Keresemose e. “Gona le nako ye o ka thusang ka yone mo ngwageng e, pelo e e lorato, le mowa wa neelano.”

## BANANA

### Tsela ya go Direla ka Keresemose

**M**oporesidente Monson o tsaya nako go etela bagodi le ba ba mo mafelong a tlhokomelo, bogolo jang ka nako ya Keresemose. O bolela fa go na le ba ba itumelang go bo ba etetswe, mme ba bangwe ba solofela go etelwa mme go sena yo ba etelang. Go na le batho ba ba letetseng mongwe—gongwe Keresemose e, o ka nna motho yoo.

Tse di latelang ke ditsela tse di ka go thusang gore go se nne le yo o leng esi Keresemose e. Phuthologa go ka akanya ka methale e o ka fitlhelelang mo tikologong ya gago pakeng eno. “A gona le yo o emetseng gore o mo etele?”

- Dira dikarata tsa Keresemose o di romelele batlhanka ba Modimo le ba ba sa nyalang le bagodi ba ba mo lekalaneng la gago.
- Ithaope mo mokgatlhong mo tikologong ya gago.
- Neela baagisanyi le ditsala Buka ya ga Momone ele mpho ya Keresemose.
- Etela bagodi mo wateng ya gago kgotsa ba losika
- Dira dimonamone mme o di abele baagisanyi.

## BANA

### Sala morago Lesedi

**M**orago ga matsalo a ga Jeso, Banna ba ba molemo ba ne ba tsisa dimpho. Ba ne ba sala morago naledi, e neng e phatsima mo loaping gore ba mmone. Ke efe mpho e o ka e fang Jeso Keresemose e?



Tumelo • Lelwapa • Thuso

# Mekgwa ya Selegodimo ya ga Jeso Keresete: Bopelotlhomogi le Bopelontle

*Ka thapelo ithute tiriso e mme o senke go itse gore o ka abelana eng. Go tlhaloganyana botshelo le thomo ya Mmoloki go ka oketsa jang tumelo ya gago mo go Ene le go segofatsa ba o ba lebeletseng ka thuto ya ketelo? Go bona molaetsa ka bottlalo, etela [reliefsociety.lds.org](http://reliefsociety.lds.org).*

*Se ke karolo ya ditatelano tsa Melaetsa ya Thuto ya Ketelo go akaretsa boitsholo jwa Mmoloki.*

“Mo dikwalong tsa tumelo, bopelotlhomogi bo raya ‘go sokola le.’ Go raya gape go nna le kutlwelobothoko le go tlhomogelana pelo.<sup>1</sup>

“Jeso o re neetse dikai tsa go nna le bopelotlhomogi,” go bua Moporesidente Thomas S. Monson. “Monna wa segole kwa Bethesida; mosadi yo o dirileng boaka; mosadi wa kwa sedibeng sa ga Jakoba; morwadie Jarose; Lasaro, kgaitسادie Maria le Maratha — botlhe ba supa matlhotlha pelo mo tseleng ya Jeriko. Mongwe le mongwe o ne a tlhoka thuso.

“Jeso o ne a re, go segole sa Bethesida, ‘Ema, o tseye bolao jwa gago, mme o tsamaye.’ Go mosadi wa modira dibe ga tla kgakololo, ‘Tsamaya, mme o se tlhole o leofa gape.’ Go thusa yo a neng a tsile go ga metsi, O ne a ntsha sediba sa metsi ‘a a elelang go ya botshelong jo bosakhutleng.’ Go morwadie Jarose yo a neng a tlhokafetse go tsile taelo, ‘Morweetsana, ke go raya

kere, ema.’ Go Lasaro yo o neng ale mo lebitleng, ‘Tsoga.’

“Mmoloki o nna a supa bopelotlhomogi a a senang bokhutlo. . . . A re buleng pelo tsa rona, gore Ene — sekai sa bopelotlhomogi ka nnete — a ka tsena.”<sup>2</sup>

## **Dikwalo tsa Tumelo tse di tlaletsang**

Psalm 145:8; Zechariah 7:9; 1 Peter 3:8; Mosiah 15:1, 9; 3 Nephi 17:5–7

## **Gotsweng Dikwalong tsa Tumelo**

“Monna wa me le nna re ne ra khubama fa thoko ga morwadia rona yo o dingwaga tse 17 go mo kopela botshelo,” ga bua Linda S. Reeves, mogakolodi wa bobedi mo boporesidente jwa kakaretso jwa Mokgatlo wa Thuso. “Karabo ene e le nnyaa, mme . . . re sa tswa go itse . . . gore . . . [Mmoloki] o re tlhomogela pelo mo kutlhobothokong ya rona.”<sup>3</sup>

“Nngwe ya dipolelo tse ke di ratang tsa botshelo jwa Mmoloki ke polelo ya ga Lasaro. Dikwalo tse di boitshepho di re bolelela fa ‘Jeso a ne a rata Maratha, . . . mogolowe [Maria], le [kgaitسادia bone wa

gagwe] Lasaro.”<sup>4</sup> Fa Lasaro a simolola go lwala, mafoko ane a isiwako go Jeso, mme ya re A goroga a fitlhela Lasaro a tlhokafetse. Maria one a tabogela ko go Jeso, a wela fa maotong a gagwe, mme a lela. Fa Jeso a bona Maria a lela, “O ne a tshwenyega mo moweng, mme . . . a lela” (John 11:33, 35).

“Seo ke maikemisetsa o rona. Re tshwanetse ra ikutlwa le go ipona re thusa bana ba ga Rraetsho yo ko Legodimong go ikutlwa ba bona le go itse fa Mmoloki a tsere dibe tsa rona le matlhoko a rona gore a itse kafa re ikutlwang ka teng le gore o ka re gomotsa jang.”<sup>5</sup>

## **DINTLHA**

1. Kaelo go Dikwalo tsa Tumelo, “Bopelotlhomogi.”
2. Thomas S. Monson “Mpho ya Bopelotlhomogi,” *Liahona*, Mar. 2007, 4–5, 8.
3. Linda S. Reeves, “The Lord Has Not Forgotten You,” *Liahona*, Nov. 2012, 120.
4. Linda S. Reeves, “The Lord Has Not Forgotten You,” 118.
5. Linda S. Reeves, “The Lord Has Not Forgotten You,” 120.

## **Akanyetsa Se**

Ke mang yo o ka segofadiwang ke bopelotlhomogi jwa gago?